

DECRETUM



QUEBECEN.

BEATIFICATIONIS ET CANONIZATIONIS

VEN. SERVI DEI

FRANCISCI DE MONTMORENCY LAVAL

PRIMI EPISCOPI QUEBECEN.

Instante Rñno Dño P. Xaverio Cazenave Postulatore Causae Beatificationis et Canonizationis Ven. Servi Dei Francisci de Montmorency Laval, infrascriptus Cardinalis Sacrae Rituum Congregationi Praefectus, loco et vice Eñi et Rñi Dñi Cardinalis Lucidi Mariae Parocchi Episcopi Portuensis et Sanctae Rufinae, eiusdem Causae Relatoris, in Ordinario ipsius Sacrae Congregationis Cöetu Rotali, subsignata die, ad Vaticanum coadunato, iuxta peculiare Sanctissimi Domini Nostri Leonis Papae XIII dispositiones annis 1878 et 1895 editas, sequens dubium discutiendum proposuit; nimirum: « An constet de validitate et de relevantia Apostolici Processus constructi super fama sanctitatis vitae, virtutum et miraculorum in genere praefati Venerabilis Servi Dei, in casu et ad effectum de quo agitur? » Sacra porro eadem Congregatio, omnibus accurato examine perpensis, auditoque R. P. D. Gustavo Persiani sanctae Fidei Promotoris munere fungente, rescribendum censuit: « *Affirmative, seu constare.* » Die 5 Ianuarii 1897.

Quibus omnibus Sanctissimo Domino Nostro Leoni Papae XIII per infrascriptum Cardinalem Sacrae Rituum Congregationi Praefectum relatis, Sanctitas Sua sententiam ipsius Sacrae Congregationis ratam habuit, et confirmavit, die undecima iisdem mense et anno.

GAJETANUS CARD. ALOISI-MASELLA, S. R. C. Praefectus.

L. ✠ S.

DIOMEDES PANICI, S. R. C. Secretarius.